



DEO OPTIMO MAX<sup>1</sup>

UNI ET TRINO,

VIRGINI DEIPARÆ, ET S. LUCÆ  
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS;  
*manè discutienda in Scholis Medicorum die Jovis Quartâ Januarii*  
Anno M. DCC. XLII.

M. CLAUDIO - CAROLO DE JEAN  
Doctore Medico, Præside,

*An à vomitoriis, febrium intermittentium auspicianda curatio?*

I.



RRAT homo, si vitam ab omni morborum sevitâ securam sibi fingat. Miserâ conditione natus, vix ex uteri latebris excluditur; in eum statim dira irrumpit morborum cohors. Nonnè etiam in ipso vitæ suæ principio, latent illorum semina? Nulla est ætas, nulla pars corporis, nullus sexus, qui proprios non patiat morbos. Nulla regio, nulla tempestas, quæ sibi peculiare non procreet. Alius est insuper, cæteris & crudelior, & frequentior: hic nulli parcat ætati, nulli sexui, nulli temperamento; in omni regione, omni tempestate, plerumquæ epidimicè grassat. Infans & senex, femina & vir, robustior & delicatior; omnes eandem illius furorem sentiunt, Dum cæteri morbi partem aliquam corporis affi-

A

ciunt, hic omne totum Corpus occupat & cruciat : ita ut rectè dicatur universalis. Hæc adumbratione febris faciliè agnoscitur. Hominis hostis insensibilissimus quot mille modis illum torquet ! Novus autem Proteus non sub eadem formâ sese offert, varia enim est pro agendi modo, tempore ; unde plurimæ illius species : dividitur tamen in duas generales : vel enim in nos absque ullâ relaxatione sævit & tunc continua dicitur : vel nos violenti impetu fatigat, lacescit, cessat, sed brevi reditura ; intermittens appellatur. Hujus ultimæ febris speciei curationem perfectam brevique peractam si volueris, spem non fallet eventus si primo remedia ad causam expellendam idonea, adhibeas.

## II.

**C**AUSAM etenim in quocumque morbo curando medicus spectet ; hæc cognitâ curationem inventam esse asserit *Hofmannus* dum dicit, *Maximè omnium morborum causæ proximæ indagandæ erunt, quibus inventis curationem inventam esse, constans, & philosophorum, & medicorum perpetua quæ fuit sententia de pathologo.* f. 8. p. 7. idem sentit *Hippocrates* ; *siquis*, inquit, ille Medicinæ princeps, *causas corporis affecti cognoverit, is quoque potens est ea adferre quæ corpori commendent.* *Libr. de flatib.* §. 3. Sed medico non sufficiat morbi causæ cognitio, hanc cognitam armis propriis vincat & è corpore extrahat. Quam felices illi tunc successus erunt ! hoste enim fugato ; si quid damni ab illo patratum fuerit, brevi faciliè que reparabit. Si autem non medicè sed empiricè agens causam intactam relinquit, tunc omnia illi adversa erunt ; cum morbus teste *Sennerto*, *tollì non possit ; causâ quæ ipsum producit in corpore, præsentem.* Evidens enim est causæ morbi vim nocivam eo magis progredi ; quo longior sit illius in corpore permanisio : ita ut morbus curatu facilis si initio, causa sublata fuisset, post aliquod tempus eo quod hæc fuerit intacta, sanatu difficillimus evadit ; & rectè affirmari posset morbos plurimos ex eo solo judicari insanabiles, vel quod illorum causa vera & legitima ritè non cognoscatur ; vel quod remedia ad illam si sit cognita expellendam adhibita, infirmiora sint. Sit igitur præceptum constans & immutabile in omni morborum curatione, illorum causam ante omnia detegendam, statim que esse expugnandam : hoc autem potissimum valeat in febribus intermittentibus curandis ; harum ergo causam cognoscamus, dein remediis expugnemus propriis.

## III.

**F**EBRES intermittentes gignit, producit materia quædam cruda & indigesta ; hujus originem à primis viis repetendam esse satis demonstrant nausea, vomitus, appetitus defectus, oris amaritudo, intestinorum dolor acer & mordicans & alia symptomata totidem argumenta congestionis materiæ viscidæ & crassæ fibras ventriculi intestinorumque irritantis. Hæc autem materia quam primam intermittis causam habent omnes medici tum veteres tum neoretici ; è ventriculo & intestinis, ut è suo fonte, emanat, fluit, novas decurrendo exercens hostilitates ; tandem nimia crassitie donata in extremitatibus vasorum exiliorum hærecogitur. Hic manet tranquilla donec acescat, acescit tandem ; hac vi naturæ inimicâ irritantur vasorum fibræ, fit illorum, ad hostem expellendum contractio, hæc contractione liquida versus interiora pelluntur, tunc frigus illius que apparent Symptomata. Cum enim partes extremæ totaque corporis superficies ope vasorum extremitatum

3

contractionis, sanguine & spiritibus quibus abundare solent, defraudantur; necesse sequitur totius corporis pallor, frigor, horror, pulsus parvus, cutis aspera Anserina: amula, scroci corrugatio, digitorum coarctatio, &c. at brevi oritur pugna sanguinem inter & materiam illi inimicam. Fiunt violentiores cordis contractiones, expanduntur partes sulphureæ, dividitur materia crassa. Hoc violenti motu pelluntur liquida in extremitatibus vasorum è quibus contractione egredi coacta fuissent adest totius Corporis calor, jactatio, inquietudo, rubor faciei, pulsus magnus, &c. Tandem vincitur hostis fugam que per cutis poros præcipitat. Cessant tunc simpromata, æger jam multum defatigatus quiete & tranquillitate frui videtur, sed ne nimie securitatis se tradat: brevi enim novus rediet paroxysmus; si singulis diebus, tunc febris dicitur quotidiana intermittens, si alternis diebus tertiana, si interpositis duobus; quartana nuncupatur. Cognitâ & explicatâ febrium intermittentium causâ quis non videat quanta ad hanc è corpore evellendam possint vomitoria.

#### I V.

**O**MNE vomitorium agit sale volatili, acri admodum, quo plurimum fibras ventriculi irritat, tonum ipsius conturbat, & cogit ut contractæ simul fibræ a fundo ad superius orificium, per viam vicinam & brevem quid molestat exonerent: at non solum in materiam ventriculi plicis rugisque contentam, agunt vomitoria; vi illorum acri & pungente oritur generalis nervorum convulsio, omnes corporis partes violenti motu, sed semper salutari, agitantur: tunc omnia vasa succussa & pressa eundem communicant motum liquoribus in ipsorum cavitatibus, contentis; materia crassa & cruda hærens in extremis vasis, premitur conqussatur, dividitur, ex his in majora vasa pellitur, redit in circulationis vias, tunc agitationem violentam, & omnibus una cum sanguine junctis humoribus generalem, sentit, experitur, patitur, fit hoc fluidior, & tandem ad perfectam divisionem suarum que partium explicationem devenit. Ita ut rectè dici possit opè vomitus totum expurgari corpus, hoc sentiebat, Smerius, nullus, inquit ille, miscellan. Medic. p. 137. in arte nostra cum judicio versatus & exercitatus ignorare potest, quin totum sæpe numero corpus per vomitum purgetur; e quidem antiqui non infrequentius ferè vomitoriis medicamentis quam per inferna purgantibus uti sunt; etiam si morbus in extremâ aliquâ corporis parte constitisset. Ex his satis patet opè vomitoriorum initio febris intermittens adhibitorum, vel morbum penitus curari, vel saltem ad curationem præparari, ita hoc crediderunt & experti fuerunt authores Medici, ut nullus ferè sit, qui vomitoria, ut remedium ad febrem intermittentem extirpandam utilissimum, non consulat. In periodicis initio paroxysmorum præsertim si facile vomitu rejici posse conjecturâ assequare utile est valde vomitorio excretionem tentare per os, & ita veterum decreta sancire. Ballon. Epidem. & Ephemer. Lib. 2. p. 115. Si Hoffmannum audire vos juvat, sic loquitur. Emetica statim in principio, quò citius eò melius offerendâ, nec gratis expectandum donec materia fuit concolla sed proximâ viâ exturbandâ, priusquam noxam latius diffundat, de febr. 3<sup>an</sup>. f. 9. p. 29.

#### V.

**N**E igitur timeat Medicus vomitoria initio febrium intermittentium offerre, Quor & quanta præstant satis probant Medicorum de febribus curandis observationes, Uxor theotimi apud Hippocratem vomebat ex succo granatorum mulsio:

& a febre curata fuit. Joann. Heurnius *method. ad praxim Lib. 2. p. 217.* Refert Hofmannus, se pueris octavum vel decimum ætatis annum agentibus, febre tertianâ correptis, exoptato cum successu potiunculam dedisse emeticam. De febr. tertian. f. 20. p. 33. Idem probat thom. Villifius. De febr. cap. 3. Statuens, a vomitoriis paulo antè paroxysmum adhibitis, sæpè tertianas intermittentes tolli. Necessariò etiam adhibenda esse antè cætera remedia febrium specifica, sentiebat jam jam laudatus Hofmannus, dum de cortice peruviano illius que utilitate in quartanâ febre disserens sic loquitur. *Tenendum tamen, non primò ad ipsius usum esse descendendum, quam per purgatis probè primis viis.* De febr. Quartan. f. 10. p. 69. Ne tamen, credat quis, nos empiricorum modo, vomitoria, ut remedium universale & in quocumque morbo salutare hic præscribere: nos enim non later, non solum vomitoria, verum etiam cuncta remedia, varios effectus, modo bonos, modo pessimos producere prodieris subjectis in quibus adhibentur: ita ut nulla sit fides adhibenda medicamentis, nisi a medico prudente & ratiocinante exhibeantur: hæc igitur non obstat quin concludemus,

*Ergo a vomitoriis, febrium intermittentium auspicanda curatio*

DOMINI DOCTORES DISPUTATURI.

M. Benjamin-Ludovicus Lucas  
de Lawembert.  
M. Leander Peaget.

M. Joannes-Baptista du Boit,  
Professor Regius.  
M. Guillelmus-Josephus de FÉ-  
pine.

M. Raymondus Jacob Fizeu,  
M. Ludovicus Lemery, Medi-  
cus, Regii ordinarius Re-  
giæque Scientiarum, Aca-  
demiæ socius, & in horti  
Regio Chi miæ Profess-  
or.

M. Ludovicus-Alexander Vitil-  
lard.

M. Ludovicus-Hyeronimus Cof-  
nier, rei Herbariæ Professor  
designatus.

M. Petrus le Tonnelier.

Proponebat Parisiis, SILVESTER-ANTONIUS LE MOINE, Mimatenfis;  
Baccalaureus Medicus, A. R. S. H. 1742, à sextâ ad meridiem,